

# Chuailo

Forthnightly Newsletter



Vol. No. X Issue No. 18

KOLKATA MIZO STUDENTS'

30<sup>th</sup> Mar., 2014 (Sunday)

## ANNUAL GENERAL MEETING CUM ELECTION NEIH A NI.

Kolkata Mizo Students' chuan Dt. 29.03.14 khan General eeting Cum Election chu Salt Lake, Mizoram House-ah neih a ni a. Member kal an thahnem hle a; Hruaitu thar tha tak tak thlangin, KMS tana tha leh zung, ngaihtuahna lo seng tawh thin, he hmun chhuahsan tur te thlahna hun an hmang nghal baw k a ni.

He hun hi chhawng hniha hman a ni a, chhawngkhatnaah hian KMS Documentary film release a ni a, film hi en ho nghal a ni. Hemi hnu hian Annual report ngaihtlak a nih bakah KMS Constitution siamthat ngai lai nia Executive Committee-in a lo rel tawh chu uluk taka ngaihtuah ho niin siamthat nghal a ni.

Hei bakah hian hruaitu thar tur thlanna hun hman a ni a, kum 2014-2015 chhunga KMS hruaitu tur- President, Vice President, Secretary, Asst. Secretary, Treasurer, Financial Secretary leh Social and Cultural Secretary turte thlan chhuah an ni.

Chhawng hniha ah hian hun hlimawm tak hman ho a ni a, Kolkata Zaimi Insuihkhawm Pawl lam atangin zai thiam tak tak an zai a, Special items- Let's dance, NIFT, Rubber band leh adangte atangin hmuhawm tak leh beng titlai tak tak kan enin kan ngaihtla baw k a ni.

Kolkata chhuahsan hlen tawh turte thlahna hun hman niin, anni hi KMS chuan ngaihruina thilpek a pe theuh baw k a ni.

Hun pawimawh tak leh hlimawm tak kan hman ho hnuin chawhlui tuihnai tak kan kil ho baw k. He huna lo kal zawng zawngte chungah KMS chuan lawmthu a sawi e.

### KOLKATA MIZO STUDENTS' 2014-15 OFFICE BEARERS' TE

Kum 2014-15 chhunga Kolkata Mizo Students' Hruaitu tur a kan thlan chhuah te chu heng mite hi an ni:

President : Alex Rosangluaia

Vice Pre. : Zuliassa Hlychho

Gen. Secy: R.Lallawmsanga

Asst.Secy.: B.Lalh mangaih zuala

Tresurer : Vanlalpeki Ralte

Fin. Secy : Lalrammuanpuia

Sports' Secy: Gerald Lalhriatpuia

Social & Cultural

Secy : Lal lanzova Darn gawn

Chuailo Ed.board chuan hruaitu

tharte duhsakna sangber kan hlan e.

### CMCS

CMCS Thalai Progame:

Dt. 30.03.14 Fellowship:

Hruaitu: B.Lalramnghaka

Tantu: Lalmuansanga Sailo

Bible Chhiar huaitu:

Lalremsiami

Programme: Sharing

Sharing neitu turte:

Samuel Songate

Lalhruaitluangi

Christina Vanlaluapuii

Hemi hunaha hian kar

hmasa a hla inphuahsiak result puan chhuah hman tum a ni. Sharing-na hunah hian sawi vek kan tum dawn nia.

### Tualchhung...

Dt.29.03.14 khan Parting Social Cum Election neih a ni a, member kal ten nuam kan ti tlang hle. Hruaitu thar thlanna leh member kal chhuak turte thlahna neih nghal ni in tlai lamah chawhlui tuihnai tak kan kil ho baw k.

CMCS Thalai chuan chanchinbu 'Thalaithe Thian' tih chu an ti chuak a, tha tak leh tluang tak a chanchinbu an tih chhuah theihnan **Chuailo** Editorial Board-te chuan duhsakna kan hlan e.

Kan member thenkhat te chu Calcutta University-in exam hun a sawn hlat avangin inbuatsaihna tha zawk an neih theih nan mahni in lamah an haw hlawm a, tha taka an inbuatsaih theihnan leh tluang taka he lai hmun an rawn thlen leh theihnan duhsakna kan hlan e.

Kum 2014-15 chhunga Kolkata Mizo Students' hruaitu turte kan thlang chhuak ta a, member-ten kan thlan chhuah an nih avangin engkimah kan tawiawm that a ngai a ni. Heng kan thlan chhuahte kutah hian Kolkata Mizo Students' hi dah ringawt lo in, keimahni theuh hian KMS hi ka ta a ni tih rilru kan put a ngai a. Member-te kan tan rual chuan Kolkata Mizo Students' hi chak takin a kal thei dawn a ni.

*Hruaitu tha nei tur  
chuan zuitu tha kan nih  
a ngai...*

# CHUAILO

Estd. May, 2004

Editor : ahooma  
 Joint Editors : Laltlanzova Darngawn  
                   : Lalruatkima  
                   : Vanlalpeki Ralte  
 Patron : Alex Rosangluaia



## Thuawihna **Enkawltu Kamliam**

‘Boss ni tur chuan boss engemawzat tana kid rinawm tak kan nih phawt a ngai’ an ti thin. Chutiang chiah chuan hruaitu tha ni tur pawhin hruaitute thu awih hmasak phawt a ngai a ni.

Kolkata-a kan lo awmtirh hian hruaitu nih tum sa rana lo kal an awm a nih pawhin tlemte bak an ni lo ang; A tam zawk chu fresher an nih lai atangin senior-te thuawih takin an awm a, kum hnih khat a liam chuan hruaitu dinhmun chu an kutah a lo awm mai a ni.

Tuna kan hruaitu thlanchhuah tharte ngei pawh hi hruaitu an nih hma atang tawha KMS tana mi tangkai tak tak, hruaitute thuawih taka hun engemawchen hna lo thawk tawhte an ni a, tunah an hruaitu nih hun a lo herchhuak ve leh ta a ni.

A thlangchhuaktute zinga thenkhat hi chu kum hnih khat a liam leh chuan hruaitu dinhmunah an ding ve leh ang a, thenkhat dang, an awmrualpui thote chu hruaitu atana thlan enah tuma’n an en lo ang. Mihring hian theihna leh thiamna hrang theuh chu kan nei vek a, chumi piah lamah chuan hlawhtlinna kailawn pawimawh tak pakhat chu thuawihna hi a ni.

Hruaitute thuawih taka thawk hram hram tute chuan ram(Kolkata) hi an la luah ang a, nakinah hruaitu dinhmunah an la ding ang a, an hming chu chhinchhiah a ni tawh ang; Thuawih lo leh mahni tal tala tal mai maite chu buh si thliin a len bo ang hian an awmlah hnu ah chuan tumahin an hming emaw, anmahni emaw an hre zui reng tawh lo ang.

Hruaitu thar thlan boruakin min chiah lai a ni baw k a, hetiang lam hi kan han ziak uar lui deuh a ni e. Hruaitu nih hi hlawhtlinna ang deuha ngaih theihthe pawhin kan han thai lang a, entirna anga kan chhawpchuah dan chu kan hrethiam turah ngai ila.

A pawimawh berah chuan hruaitute emaw, nu leh pate thuawih apiang zirna lamah leh kawng engkimah an hlawhtling ang a, thuawihlote erawh chuan he Kolkata khawlum hi an tuar thlawn dawn tihna a ni. Chuvangin he leia kan Pathian hmuh theih kan nu leh pate thu hi awih ila, he khawpuia kan hruaitu thlanchhuahte thu hi i zawm thiam baw k ang u, a tawpah hlawhtlinna a awm si a.

Zirna Huang...

**PHOTOSHOP....!!!** (Issue hmasa chhunzawmna)

- Valpix

Brightness / Contrast pawh hi Image > Adjustment > Brightness / Contrast, i duh anga adjustment pek leh kha a ni mai.

Curve pawh hi a hma a mi ang tho a ni, Image > Adjustment > Curve, mahni duh ang taw k a pawh sang leh mai tur a ni, curve bik hi chu thlalak thim deuh pawh en nan an hmang tlangpui.

Levels, hei pawh a ngai ang chiahin Image > Adjustment > Levels. Level ve thung erawh hi chu thlalak brightness tam sa lutuk ang chi ho tih thim deuh nan a tha hle. Entirnan i thlalak edit duh kha a Brightness a sang sa ta em em a. Tichuan Level hmangin i ti thim ta deuh hlek a, chumi hnuah Colour Balance i siam leh anga tichuan a chung a kan sawi ang khian i save dawn nia. Thlalak thim sa lutuk pawh Curve hmang a pawh eng a, Colour balance hmang a colour pek mawi mai tur a ni.

Crop, thlalak crop dawn chuan a sir tlangah emaw a chung lam tlangah khan Tools bar a lo awm anga khamiah khan crop tih zawnah khan kan click anga, chuan kan thlalak chu kan duh danin crop kan pawt tawh mai dawn a ni chuan enter hmeh leh keuh kha a ni mai.

Awle, Zirtur tam tak a awm, vawikhat a sawi zawh vek sen pawh a ni lo, lo sawi zo seng pawh ni ta ila thiam nghal vek chi lah a ni lo leh zel baw k nen, chuvang in he ti chin hi tuna tan chuan lo ni phawt se, in lamah a takin lo practice chhin ula, a dang kan la chhunzawm zel dawn nia.

( Tunlaiah social network lam kan khawih nasa em em a. Thian kan kawm a, thlalak kan inpe taw n a, kan thlalak te chu Social network lamah mite hmuh theih turin kan tarlang baw k thin. Kan thlalak tarchhuah duh te chu tlema siam rem a ngaih changte a awm a, chutiang hunah chuan thlalak kan siam rem tur te chu kan duh dana kan siam rem theihnan thlalak edit dan hi kan thiam ve a tul a thin. Tun tum **Chuailo** Issue leh **Chuailo** Issue hmasa zawkah khan thlalak edit-na Photoshop chungchang kan rawn tarlan hi hlawkpui pakhat tal in awm ngei kan beisei.) -**Chuailo Ed. Board**

Article:

## KMS QUIZ ROPUI KHA

- Sawmtea Ex SA BOYS

Thlahnih dawn alo ni ve ta reng mai. Pathian zar a dam that chuan hun leh nite hi luite tui an luang pur pur ang mai hian hun te pawh hi a luang liam ve pur pur a. Pathian hi a lo va tha em! He lamah chuan U-19 Football tournament kum 19 hnuailam ho tan a min buatsaih sak a veng aiawh a tel ve ngei turin kha lama Aluaia leh Zutea'n NE Sports team te an tih tir ang kha kan ti ve tauh tauh a. He lamah chuan khalam ang khan khelmual te a tha ve si lo a, kha lama kan inkhelh lai te a ngaihawmin, engemaw hlekah, "Kolkata-ah chuan," ka lo ti leh tep thin a.. min eilo fe fe chu an awm tawh nawk mai thei. Amaherawhchu, Didika bulah ka khel tawh, Mama bulah ka khel tawh, chutiang zelin Robert-a, Dindina, Samson-a, Lcha etc. te bulah ka khel tawh tih han sawi tak hi chu ka insum peih thlawt lo, a nuam ve tlat!

Boruak te a reh hmel ta bawka KMS Quiz hlawhtling tak kha han tih rik mai mai ka duh a, ral khat atanga ka lo hmuh ve dan chuan ropui ka va ti em...! Haw hlim ka nih vang nge, ka rilru leh ka ngaihthuahna awmna a nih vang zawk pawh ka hre lo, helam atang chuan kha lama in thil tih apiang te kha kan lo ngaihven ve em em thin a (a tul nge tullo phei chu ka hrelo). Inbiakpawhna te a tha tawh a, chanchin mai piah lamah thlalak te pawh live tih tih in a inthawn theih tawh a, Chapchar Kut in hman te pawh thlalak en chuan, Vanlalhlana pahnih lai mai in an hmanpui bawk che u a, a ropui hle mai. Quiz te pawh kha tel ve tluka inngai thei tur khawpin Lawm kestopura'n thlalak thar tak tak, la lum vut vut a rawn thawn reng bawk nen round tawp lamah phei chuan ka lo tang ve em em ringawt a. Achhunga thu lem lo fatuna lama thahnem ngai taka ei leh in siamtute pawh kha theihngilh phal chi an ni lo. Mapuia, Pa Laima leh Pa Talo-a te hma a, a tei kual vel mawlh mai kha a hmunah ngei hmuh ve ka van chak tak em!

Ni e, kha Quiz kha Khawvel awm tirh ata KMS in a buatsaih a ni hialin kan ring ve ngawt a. A ropui ka ti a, beisei phak bak in a "class" hle in ka hria (thlalak a alan dan chuan). A hlawhtlin nan a tha leh zung thawh tu zawng zawng te an fakawm ka ti hle bawk. Abikin KMS hruaitute, in hnathawh hi a ropui, in fakawm thlawt!!!! Quiz nei tur tih KMS Committee in a pass khan, zirlaite tana hmasawna, kan zirlai min pui thei tura kan hman tangkai ngei beisei chung a kan hotuten buatsaih an tum kha a ni a. A tel ho te khan an hlawkpui ngei a rinawma, lawmman la tu zawng zawng te ka lawmpuia, Quiz hlawhtlinnan a tel ho zawng zawng te an fakawm a, "kan zirlai na na na hi chu kan thiam ve tawh a ni" ti a in tel hi a ropui tak zet!

Tin, an hun hlu tak senga min telpui tu, Nu leh Pa zawng zawng te kha in lakah KMS hian lawmthu sawi ba lovin kan sawi nghal a ni. Amaerawhchu, kan ti teh ang!! Engatinge Kolkata ah hian zirlai 600 dawn in membership fee kan pe a, khaw hrang hrang 47 vel atanga kal khawm anga kan inchhut laiin khaw 7 zat vel lek kha intihsiaknaah khan kan tel ngam si le?? Khaw 40 vel kha khawng an

awm tak? Science, BBA, BCA etc ho kha chu thuhran lo nise, Arts leh Commerce Subject la, inkhawm nikhua leh puipunna a sawi tur hre hnem ber, thian ho titi na pawh a thil hre ber pawl, Sharing-naah pawh sawi tur hre ber, committee-naah lah nise fing ber pawl ni awma langa ding ve sek, FB, Whatsapp status a ril ber ber te ho kha kan tel ve ngam lo nge, kan thiam lutuk a tel ve na tlakah kan ngai lo zawk aw? ti in ka ka ang a ni. Mahse thianpa Zutea tihdan takah mahni tawh a ka tha ber, kei ka ni kan in tih hunlai a ni ve a, tumah kan indem ngawt thiange si lo; a buatsaih tute thawhrim zia ka chhut in thahnem ngaihlutaah ka ka ang ve mai mai a ni. KMS Hruaitute erawh, in hmel tih loh chu in ti tha thlawt a (in hmel en chuan tah in ti chhuak!), hetiang ang hun tha in zirlai puite tan a in buatsaih hi a kalvari lam zawng tak pawn zirlaite tih hmasawn nana in rawngbawlina in hlen zia a tarlang chiang hle.. inbuatsaih sak a te, Kolkata-a leh kha zir tura awm ten an hlen ve em?

Kan thudangalai chuan santosh trophy-a in au lai TV-a han hmuh phei kha chuan 2011-a ruahsur hnuai a an team Bus ngeia Khardah thleng thleng ka va zui lai te, Barasat-a team dressing room-a an refreshment dawn ka lo ei ve ringawt lai te kha ka hrechhuak rum rum mai.

Tun atan chuan duhtawh phawt ila. Nakinah, kanrilru a tuihnang te a lo la awm leh a Chualo Editorial Board ten min bawl hrep hnuah, a hun leh hmun te a awm a nih chuan chhunzawm kan tum dawn nia. Kum 2014-15 KMS Hruaitu tura thlan chhuah thar tha tak tak te duhsakna ka hlan a che u.

***Kolkata Mizo Students' vul zel se.. Dam reng rawh se.***

### Football

Bayern Munich chuan Bundesliga-ah khelkh sarih khelkh hmabak an la nei chungin anmahni hnaih ber tu tan umphak theih an nih tawh loh avangin a vawi 24-na atan an Champion leh ta a ni. Bayern Munich hian tunhnai league match 52-ah hnehtu an la tawng lo a ni. A zawnin an mikhualna hmunah vawi 10 hnehna an chang baw a, nikuma anmahni record siam tho a zawna match 9 hnehna an chan chu khumin, record thar an siam baw a ni.

### Laureus Sport Award

Oscar of Sport tia an sawi thin Laureus World Sport Award chu Dt.26.03.14 khan Kuala Lumpur ah sem a ni a.  
**Sportsman of the Year** : Sebastian Vettel,Racing-F1,  
**World Sportswoman of the Year**: Missy Franklin,Swimming  
**World Team of the Year**: Bayern Munich  
**World Break through of the Year**: Marc Márquez, Racing-Motogp  
**World Comeback of the Year**: Rafael Nadal,Tennis  
**World Sportsperson of the Year with a Disability**: Marie Bochet,Skiing  
**World Action Sportsperson of the Year**: Jamie Bestwick,BMX  
**Spirit of Sport Award** - Afghanistan Cricket Team  
**Sport for Good Award**- Magic Bus, the sports-based community project in India.

### Chess

Five-time world champion Viswanathan Anand chuan Candidates Chess tournament ah a dinhmun sawhngghet zelin Vladimir Kramnik, Russia nen 11<sup>th</sup> round ah in draw-in Anand hian round thum khelkh tur la awm ah a la sangber.

Candidates Chess tournament ah hian Viswanathan Anand a champion chuan World Championship 2013 a a hneh loh Magnus Carlsen tum lehna chance a nei a ni.

### Class of '92

Sap ram chanchinbu thenkhatin an tarlan danin Class of '92 an tih chuan David Beckham leh a thiante chuan tunhnai hian Manchester United lei tumin kawng an zawn mek thu an sawi. The Sun chanchinbuin a tarlan dan phei chuan Beckham, Paul Scholes, Phil leh Gary Neville, Ryan Giggs leh Nicky Butt-te ho hi an inhmukhawm tawh a, Middle East lam atang pawhin sumah tanpuina an hmu thei dawn bawk niin an tarlang bawk

### Cricket

Supreme Court of India chuan Indian Cricket hotu lu ber Narayanaswami Srinivasan chu Indian Premier League(IPL) a spot-fixing chhuina kal mekah tibahlahtua a tang nia ngaih a nih avangin dik taka kalpui a nih theihnan a nihna atanga bang turin a ti a, a bang duh lo a nih chuan paihthlak a nih tur thuin a vau zui bawk.

# Hmeichhe lam hi ka tuina a nia..

-**Samuela @ SA Boys'**

# Ka inchungpa hian a ui hi chaw a pe tha si lo a mawza dah fimkhur ka ngaih phah.

- **Mafela @ Kestopur.**

# Khum beta bialnu neih chu kan discipline a chhe rawk rawk mai alawm.

- **Lawma @ Asst.Gen.Secy**

# Engkimah lo in rawlh ve chhen ila a ni mai lawm, a thiam ber a maw ni in ti leh ila.

- **Zualtea @ Social & Cultural Secy.**

# Ka duati hian min ngai leh tawh ang em le? AMRI Hospital-a kal ka chak leh tawh tlat.

- **Samuel Ngente @ Picnic Garden**

# Ka rin ai daihin ka aw alo la nalh

- **Narrator Ahuma**

# Khaw lum lain mosquito bite in hlau ve em?

- **Temami @ Treasurer**

# Phantom group hoin bomb kan ti puak dawn.

- **Ramnghaka @ Fin.Secy**

#Alu bai specialist inti ve ngat asin ka nih.

- **Rempuia mi bon.**

# Tenor lam ai chuan contralto lam hi zirtir an nuam zawk mah.

- **RKa @ SA Boys**

# Ka in sawi chhuahna khawp tawngkam hi chu ka pai ve deuh reng.

- **Hruaii @ Mizoram House.**

# Bawar zai ri chuan tawnmang mawl biahthu a rawn hril si maw!

- **Muantea @ SA Boys**

# Khua a lum a, thlan a tla nasa baw a, lendeng pa zahmawh ang puak kan ni leh ta alawm.

- **Samuel Songate (PLT-a)**

# Khawihli emaw ka tia arngeng lek alawm alo nih le.

- **PiPi-i @ Mizoram House**

**Tun issue hi Kum 2013-14  
inkara CHUAILO Newsletter  
chhuah tawpna ber tur a ni.**

- **Chuailo Editorial Board**